

Außführlicher Bericht/

Des gantzen Verlauffs

zwischen der Kron Schweden vnd Chur-Säch-
sischen Armeen gewaltiges Treffen / geschehen zu
Wittstock / den 26. Septembr. Anno 1636.

Dierbey die Verzeugnis

Aller Kayserlichen vnd Chur- Sächsischen Regimenten / welche bey dem Treffen gewesen.



Anno M. DC. XXXVI

Hist. Suec.

325, 64

*Hist. Suec. 130
12.*

Dem Herrn thue ich hiemit advertiren/dz/als am 13. dieses S.
Excell. von Parchim auffgebrochē/sie sich alsbald vor des Fein-
des Läger zu Perleberg zu einem Hauptstreich zwey unterschied-
liche mal præsentiret/wozu sich aber der Feind nicht vntersehen wollē/
sondern in seinem wolverwahrten Läger sich eingeschlossen enthalten/
worinnen zwar S. Excell: ihn zu attacquirē mit raisonnabel gefundē/
seynd derhalben nach Havelberg vnd Werberschanke fort marchiret/ In
der intention, den Feind nach sich zu solcher örter entsas zuziehen/ vnd
also zu einer Battaglie zuveranlassē / Aber der Feind hat sich nit ehe auß
seinem Läger moviret/biß sich Havelberg auff Gnade vñ Ungnade er-
geben gehabt/vnd S. Excell: seine Schiffe vñ alle Bereitschafft zur Brü-
cke in dero Gewalt bekommen/ vnd demoliret/ hätte auch an occupirung
der Werberschanke nit ermangeln sollē / weñ S. Excell: noch eine nacht
dafür hätte liegen können/vnd nit die rapporten von des Feindes Auf-
bruch vnd vorhabender Conjunction mit Gen: Majeur Klisingen/der
mit Bierthalbtausend Mann vor Brandenburg gelegen/dieselbe diven-
tiret / Gestalt deñ solche Conjunction zuverwehren S. Exc. nun so viel
mehr eilen müssen/weil bey der Marche sie von dem Commendanten zu
Brandenburg advertirt,dz er den Ort auffmangel Pulvers dem Feins
de cedirt vnd sich in Rappin logirt / Vnd weil S. Excell. gesehen/das
sich der Feind bey Wittstock gesezet/vnd wieder eine feste posture zu fas-
sen gesonnen gewesen/So seyn S. Excell. am 24. dieses/ wiewol sie erst
uber einen zimlichen engen Paß vberfiliren müssen/ gegē den Feind ein-
gegangen/denselben auch in einer grossen avantage vnd also stehend ge-
funden/das er hinter einem Wald auff einem hohen Berge/hinter re-
duicten vnd revelinen/ vnd zwischen denselbē die Wagen vorgeschren-
cket/seine Battaglie formirt / Nichts destominder haben S. Excell. also
gegen ihn avanciret/ dz S. Excell: in hoffnung geschwebet/ihn zuver-
rückung seiner wolverwahrten posture zuveranlassen / haben sie herun-
ter nach der Stadtwerts an die rechte Seite vnd Spitze des Waldes/
wohinter ein ende des Berges gestossen/mit dem rechten Flügel geschwen-
cket/Wor auff alsobald/weil der lincke Flügel/in betracht eines gegenste-
henden Waldes vnd Bergs/zu weit vmbschweyffen müssen/vnd so bald
nit an den Feind gelangē können/ des Feindes ganze force an Reutern
vnd

vnd Fußvolck auff den Rechten Flügel/ den S. Excell: vnd Herr Gen:
Torstenson geführet/ mit grosser furie angefallē / vñ sich ein so starckes/
crudeles vnd continuirlichs Fechten erhoben/ D; der event auff vnser
Seite/ weil der lincke Flügel gar zu langsam zum chargirē kömten/ auch
vnser letztes Treffen in der reserve sich sehr verweilet/ in grosser peri-
cul geschwebet/ Gestalt auch albereit die Generaln Personen an des Fein-
des Seiten ihren Soldaten persuadiret/ D; S. Excell: entweder todt o-
der doch gefangen were/ vnd darauff vnter ihnen die victoria außgeruf-
fen vnd aufgeblasen worden/ Weil aber des Feindes Frolocken nit ge-
fallen/ so ist Herr Feld Marschall Leslæ eben zu rechter Zeit mit 5. Bri-
gaden zu Fuß zur secunde kömten/ den Feind zwar manlich poullirt,
vnd vns zur respiration in etw; Platz gemachet / aber weil des Feindes
force zu groß/ vnd der Feind mit macht auch auff ihn gefallen/ vns nicht
ganz erigiren können/ biß allgemach der Lincke Flügel zu chargirē an-
gefangen/ Die reserve auch/ wiewol bey einfallender Nacht / vnd da sie
zum Fechten nit employret werden können/ vom Feinde erblicket wor-
den/ darüber dem Feinde der Muth gesunken/ sich irre machen lassen/
in grosser Confusion das Feld quittet vñ in die Stucht geschlagen worden/
Viel Fähnlein vnd Standarden/ alle seine Stücke/ Munition vñ Ba-
gagie hinter sich gelassen/ vñ auff unterschiedliche Wege seine retraite
gesucht/ Vor solche Victoria nun (weil der Feind in 13. ansehnlichen
Brigaden zu Fuß vnd 15000. Reuter starck / vnd diesem Corpore sehr
vberlegen gewesen/ auch in so einem grossen Vortheil gestanden/) ist
dem höchsten Gott nit gnugsam zu danken / gestalt dann der lincke Flü-
gel/ so bey dem Haupt Treffen nicht viel zuschaffen bekönnen/ dem Feind
in der nachfolge remarquablen abbruch thut/ vnd zu mehrern Progreß
einen eingang machet. Was von beyden Seiten an hohen vnd nidri-
gen Personen geblieben/ weiß man noch eigentlich nicht/ doch sollen auf
des Feindes Seiten drey Generaln geblieben seyn/ als Marazini/ Ge-
neral Wachtmeister Wilhdorff / vnd General Wachtmeister Golt/
zween Graffen von Falkenstein / Ob. Milbe/ Ob. Winse/ Ob. Wil-
brecht/ General Major Dehne ist tödtlich verwundet/ Auff vnser Sei-
ten seynd geblieben Ob. Berckhauer / Saborzki/ Ob. Leutenant Mar-
sofsky.

An

An Stücken seynd bereits vorhanden in 40. Stück vñ über 200. Fahnen vnd Cornet eingelieffert/ alle Bagagn/Wagen/ darunter Ihr Churfürstl. Durchl. Silberwagen/ Vnd kommen bey Schliessung dieses vnser Partheyen/ so den Feind nachgesetzt/ wieder zuruck berichtet/ daß sie den Feind in grosser Confusion befunden/ ihnen die übrigen Stücke vollends abgenommen/ vnd bey 1500. Gefangene eingebracht.

Verzeugnis aller Kayserl. vnd Chur-Sächsische Regimente/welche bey dem Treffen gewesen.

Infanteri	12 Taubens oder Leib-Reg.	Compagn.
Herrn Graf Hatzfelds	12 Wildsdorff	6 Geersdorff
Corpo	12 Schlemitz	5 Schlemitz
Compagn.	8 Pfordte	10 General Leutenant
7. Pappenheim	10 Bose	10 Alt Taube
12 Enckeforch	6 Schneider	9 Jung Taube
8. Lambardt	10 Traendorff	5 Seidlitz
10 Hatzfeld	12 Arnheimb	10 Kalckstein
6 Jean de Weert	5 Ponickaw	10 Schierstett
6 Manteuffel	Artilleri oder Drago-	10 Hans von Stachaw
3 Bonighausen	ner.	9 Stamsdorff
10 Salis	6. Oberste Leutenant Vn-	6 Mulce
10 Ehan	ger/ sonst Maschleiner.	10 General Vitzthumb
9 Holtz	Cavallerie	12 Bose
10 Wolckensteins	Herrn Graf Hatzfeld	10 Herzog Franz Carol
10 Bawer	Corpo	General Wachtmeister
6 Zwener	Compagn.	Marsini Corpo.
5 Mansfeld	9 Wildberg	Comp.
5 Westphael	10 Bösingers Curasierer	10 Marajini
9 Gonsago	6 Schönickels	8 Winse
6 Strasoldo	10 Hatzfelds	10 Don Balchasar
6 Herrere	10 Prinz Polnischkaw	8 Sarradezzi
3 Persingers Dragoner	5 Monte Cuculi	8 Trausse
Infanteri	8 Falckenstein	10 Hanaw
Ihrer Churf. Durchl. zu	8 Olesfeld	10 Schabligki
Sachsen	7 New Rittberg	10 Strein
Corpo	5 Darnstade	10 Daen
Compagn.	8 Alt Rittberg	Dragoner
7 Harrach	2 Mansfeld	Comp.
15 Collorede	Cavallerie	10 Hall
4. Alt Wallenstein	Ihrer Churf. Durchl. zu	6 Epte
10 Jung Wallenstein	Sachsen,	8. Marasini
4. Niederumb	Corpo	